

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ

19 հոկտեմբերի 2016 թվականի

**Գիտելիքների գնահատման
բազմագործոնային համակարգի մասին**

Լսելով և քննարկելով «Գիտելիքների գնահատման բազմագործոնային համակարգի մասին» հարցը (զեկուցող՝ ուսումնամեթոդական աշխատանքների գծով պրոռեկտոր Պ.Ա.Քալանթարյան)՝ գիտական խորհուրդը որոշում է.

- 1. 2016-2017 ուսումնական տարվանից սկսած՝ առկա ուսուցման բակալավրիատի 1-ին կուրսի ուսանողների համար կիրառել գիտելիքների գնահատման բազմագործոնային հետևյալ համակարգը.**

Ուսանողի ամփոփ գնահատականը որոշակի առարկայի գծով ձևավորվում է կիսամյակի ընթացքում գնահատման գործոնների և դրանց միավորների հիման վրա՝ հաշվի առնելով հաճախումները և ընթացիկ ակտիվությունը, անհատական աշխատանքը, գիտելիքների միջանկյալ ստուգումը և ամփոփիչ քննությունը: Ուսանողների գնահատումն իրականացվում է 20 միավորային համակարգով, որում անցողիկ շեմը համարվում է 8-ը:

Աղյուսակ 1

**Բազմագործոնային գնահատման համակարգի գործոնները
և գնահատման միջակայքը**

	ԳՈՐԾՈՆՆԵՐ տարբերակված գնահատումով (քննությամբ ավարտվող) անհատական աշխատանք պարունակող դասընթացների համար	Գնահատական
1.	Հաճախումներ և ընթացիկ ակտիվություն	0-4
2.	Ուսանողի անհատական աշխատանք	0-2
3.	Միջանկյալ ստուգում	0-2
4.	Ամփոփիչ քննություն	0-12

	ԳՈՐԾՈՆՆԵՐ տարբերակված գնահատումով (քննությամբ ավարտվող) անհատական աշխատանք չպարունակող դասընթացների համար	Գնահատական
1.	Հաճախումներ և ընթացիկ ակտիվություն	0-6
2.	Միջանկյալ ստուգում	0-2
3.	Ամփոփիչ քննություն	0-12

	ԳՈՐԾՈՆՆԵՐ ստուգարքով ավարտվող դասընթացների համար	Գնահատական
1.	Հաճախումներ և ընթացիկ ակտիվություն	0-12
2.	Ամփոփիչ ստուգում	0-8

Բոլոր գնահատականները գրանցվում են առանց կլորացման, ստորակետից հետո 2 նիշի ճշտությամբ:

Հաճախումների և ընթացիկ ակտիվության բաղադրիչը անհատական աշխատանք պարունակող և քննությամբ ավարտվող դասընթացների համար գնահատվում է 0-4, իսկ անհատական աշխատանք չպարունակող և քննությամբ ավարտվող դասընթացների համար՝ 0-6 միավոր միջակայքում՝ 1,0 միավոր քայլով:

Անհատական աշխատանքի գնահատման նվազագույն քայլը 0,5 միավոր է, ամփոփիչ բանավոր քննության դեպքում՝ 1 միավոր, թեստային ամփոփիչ քննության դեպքում՝ առնվազն 0,25 միավոր:

Գիտելիքների միջանկյալ ստուգումն անցկացվում է գրավոր (եթե անգամ ամփոփիչ քննությունը բանավոր է) տվյալ դասընթացի դասաժամի ընթացքում: Գրավորների գնահատման արդյունքներն ամփոփաթերթ են անցկացվում ամենաուշը հաջորդ աշխատանքային օրը: Գիտելիքի միջանկյալ ստուգումը գնահատվում է 0-2 միավոր միջակայքում՝ նվազագույնը 0,25 միավոր քայլով:

Հաճախումների ցուցանիշն ընթացիկ ակտիվության գործոնի գնահատականի վրա անդրադառնում է հետևյալ կերպ.

Աղյուսակ 2

Ընթացիկ ակտիվության գնահատումը

Հաճախումների ցուցանիշը	Ընթացիկ ակտիվության առավելագույն գնահատականը		
	Որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանք պարունակող դասընթացների համար)	Որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանք չպարունակող դասընթացների համար)	Որպես մաս ընդհանուր հաշվարկային գնահատականի (ստուգարքով ավարտվող) դասընթացների համար)
80,1-100,0	4	6	12
60,1-80,0	3	4	8
40,0-60,0	2	2	4
Մինչև 40,0	0	0	0

Քննաշրջանում վերահանձնում է կազմակերպվում այն դեպքում, երբ վերջնական հաշվարկային գնահատականի թվային արժեքը փոքր է 8-ից: Վերահանձնումների ժամանակ անհատական աշխատանքի, հաճախումների և ընթացիկ ակտիվության գնահատականները հաշվի չեն առնվում, և ուսանողը դրական գնահատական ստանալու համար պետք է ամփոփիչ քննության 12 միավորից հավաքի առնվազն 5,0 միավոր՝ առանց կլորացման, իսկ ստուգարքով ավարտվող առարկաների դեպքում՝ 8 միավորից՝ առնվազն 3,0 միավոր:

Յուրաքանչյուր դասընթաց գնահատվում է 20 միավորային համակարգով (աղյուսակ 3, 4):

Աղյուսակ 3

Տարբերակված գնահատման սանդղակ

Ավանդական գնահատական	Գնահատականը 20 միավորային համակարգում	Գնահատականի տառային նիշը
գերազանց	19,1-20	A+
գերազանց	18,1-19,0	A
գերազանց	17,1-18,0	A-
լավ	16,1-17,0	B+
լավ	15,1-16,0	B
լավ	14,1-15,0	B-
բավարար	13,1-14,0	C+
բավարար	12,1-13,0	C
բավարար	8,0-12,0	C-
անբավարար	փոքր է 8-ից	D

Աղյուսակ 5

Ստուգարքով գնահատման սանդղակ

Ավանդական գնահատական	Գնահատականը 20 միավորային համակարգում	Գնահատականի տառային նիշը
ստուգված	8,0-20	S
չստուգված	փոքր է 8-ից	U

2. 2-4-րդ կուրսերի ուսանողների ընթացիկ ակտիվության գնահատումն իրականացվում է (100 միավորային համակարգով) հետևյալ սանդղակի միջոցով.

Աղյուսակ 5

Ընթացիկ ակտիվության գնահատումը

Հաճախումների ցուցանիշը	Ընթացիկ ակտիվության առավելագույն գնահատականը		
	Որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանք պարունակող դասընթացների համար)	Որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանք չպարունակող դասընթացների համար)	Որպես մաս ընդհանուր հաշվարկային գնահատականի (ստուգարքով ավարտվող) դասընթացների համար)
80,1-100,0	20	32	60
60,1-80,0	15	20	40
40,0-60,0	10	10	20
Մինչև 40	0	0	0

3. Մեծաթիվ բացակայությունների դեպքում ուսանողի նկատմամբ կիրառվում է կարգապահական տույժ (նկատողություն, խիստ նկատողություն): Առկա ուսուցման բակալավրիատի ուսանողը հեռացվում է համալսարանից 180 ժամ, իսկ առկա ուսուցման մագիստրատուրայի ուսանողը՝ 120 ժամ բացակայելու դեպքում:

4. Ուժը կորցրած ճանաչել գիտական խորհրդի 2012 թվականի հոկտեմբերի 5-ի «Հայաստանի պետական տնտեսագիտական համալսարանի գիտական խորհրդի 2011 թվականի հոկտեմբերի 19-ի որոշման մեջ փոփոխություններ կատարելու մասին» որոշման 1-ին կետի 1-ին և 2-րդ ենթակետերը:

5. Սույն որոշումն ուժի մեջ է մտնում ընդունման պահից:

Գիտական խորհրդի նախագահ՝
19.10.2016 թ.

Կ. Լ. Աթոյան